

შინაური საქმეები

№ 8

კვირა, 21 თებერვალი, 1910 წ.

ადრისი: ძუთისი „შინაური საქმეების“
რედაქცია

უოველკვირულ გავითი.

შინაარსი: ათეიზმი, მისი წარმოშობა, და გავლენა მეცნიერებასა და ცხოვრებაზე—ეფ. სართანიძისა; კიდევ ყოვლად სამღვდლო გაბრიელზე—მღ. მ. კელენჯერიძის; მცირე შენიშვნა სამღვთო წერილის წიგნების

შესწორების შესახებ—ბაჯითელისა; ვაი მეტი ტკუისა—გან—კონსერვატორისა; იმერეთის სამღვდლოების დეპუტატთა კრება—უკიდურესისა; კვირიდამ კვირობამდე.—ღვთისმსჯავრი—ვანოსი; მოწ. ამბაბი—კ. წუთისოფელისა

ტურნალი „შინაური საქმეები“ წლიურ ხელმომწერლებს დაურთიებს კრებით შეფუთის თხუზულებას „იოსო ძრისტი“ საკვირველთა ისტორიისა.

უოველკვირულ გავით

„შინაურ საქმეებზე“

ხელის მწერა მიიღება რედაქციაში, ქ. ძუთისში (საბურთალო—კახაკოვის შესახვევში № 17) და თბილისში გამომცემელთან სომხის ბაზარში.

წლიური ფასი 4 მან. ნახ. წლით 2 მ. ლ. 50 კ.

გავითი ღებულობს დასაბეჭდად ყოველგვარ განცხადებებს.

ათეიზმი, მისი წარმოშობა, და გავლენა მეცნიერებასა და ცხოვრებაზე*).

მაგრამ ურწმუნონი, მიუხედავად ამისა, ძალიან ხშირად წამოაყენებენ ხოლმე თავიანთ ათეიზმს, როგორც მეცნიერების უკანასკნელ სიტყვას. ამ გვარადვე განათლებას სთვლიდნენ ათეიზმის მიზეზად წარსულ დროის ზოგიერთი აპოლოგეტები და მორწმუნე მოაზრენი (ბეკონი, სპიცელი და სხვ). იმ საყოველთაო ფაქტის მიხედვით, რომ გარეშე ბუნება გვიმტკიცებს, თუმც ყველის ერთნაირის სიცხადით

არა, რომ არსებობს უმაღლესი სულიერი არსება—ღმერთი, ასეთი მითითება მეცნიერებაზე და განათლებაზე—მაშასადამე გაუგებრობაა. თუ მეცნიერება მართლა იხრება ღვთის უარყოფისკენ, სჩანს იგი დასდგომია ცდომილ გზას, შევიწროებულია იგი რითიმე თავის განვითარებაში. ჯერ კიდევ ბეკონი ამტკიცებდა, რომ სუსტი გაცნობა ბუნების—მეცნიერებასთან იზიდავს ხალხს უღვთოებისკენ, ხოლო საფუძვლიანი მისი შესწავლა კი კაცს აახლოვებს ღმერთთანო, ვინაიდან კაცის ტკუა, როდესაც ჩერდება მოვლენათა არა უმთავრეს და განცალკევებულ მიზეზებზე, კმაყოფილება მით და შორს აღარ მიდის. მაგრამ თუ მან განაგრძო განხილვა ამ მოვლენათა და მათი კავშირისა მაშინ უეჭველად უნდა აღიაროს განგება და ღვთაება¹⁾.—ასეთი შენიშვნა ბეკონისა მშვენიერად ჰხსნის საქმეს.

მაშინ, როცა მიუდგომელ კაცს, როგორც უსაშვალო გრძობის, ისე ღრმა გამოკვლევის დროსაც, მთელი ბუნება ეუბნება თვის დაშოკი-ღულღებაზე შემოქმედ და გამგებელ ღვთისგან, ზოგიერთები ემპირიულ გამოკვლევის დროს მართლა ჩერდებიან ბუნების მოვლენათა ბუნებრივ პირობებზე—მათი „მეორე რიგის მიზეზებზე“. ყველაფერი უბრალოდ ეჩვენება იმას, ვინც მიჩვეულია უბრალოდ უყუროს ყველაფერს*, ამბობს თავის ნაწერებში ნ. ივ. პირო-

¹⁾ De atheismo, p. 1164.



გოვი. ჩვენ ვხედავთ, რომ ფოთოლი იზრდება, თვალ-ყურს ვადევნებთ თუ როგორ იზრდება, ვიცით უჯრედების მოყვანილობა და მათი შემადგენლობა; ყოველ ნაბიჯზე ყურადღებას ვაქცევთ, თუ როგორ იყოფიან და იშლებიან ეს უჯრედები, მთელი მექანიზმი მცენარის პროცესისა თვალ-წინ გვეშლება, როგორც ხელის გულზე. მაგრამ რა ძალა აიძულებს ფოთოლს გაიზარდოს ასე და არა სხვანაირათ? რა აიძულებს მცენარეს, ან ცხოველს მიიღოს ასეთი თუ ისეთი სახე? ყველა ეს და ათასი სხვა ამგვარი კითხვები, გამოუცნობელნი ჩვენ მიერ ნივთთა არსების უცოდინარობის გამო, ამბობენ, რომ ჩვენ გარემოცულნი ვართ საიდუმლოებით, და თუ ყველა ეს საიდუმლოება ჩვენ არ მიგვაჩნია სასწაულად, ეს მხოლოდ იმიტომ, რომ ჩვენ მათ ვხვდებით ყოველ ნაბიჯზე. ჩვენ ყველა ამეებს სასწაულებს კი არ ვეძახით, არამედ ბუნების კანონებზე დამყარებულ მოვლენებს²⁾.

ამ ნაირად, უყურებენ რა მთელ მსოფლიოს—როგორც გამოცხადებას მისივე საუკუნო და უცვლელ კანონების და ძალისა,—ზერელე მკვლევარნი ამბობენ: „რად გვჭირია ღმერთი, როდესაც უიმიოდაც ყველაფერი შესაძლოა აიხსნას უბრალოდ და ადვილად?“³⁾ ო უეჭველია ასეთი შეხედულება ბუნებაზე მოწმობს მათი მეცნიერულ გამოცდილების ნაკლებ შეიარებას და მათს ბეცობას მოვლენათა ახსნაში.—რა არის უცვლელი ძალა და კანონები ბუნებისა, საიდან არის თვით ბუნება? ამ და სხვა ამისთანა კითხვებზე უღვთო მსწავლულებს არ შეუძლიანთ დამაკმაყოფილებელი პასუხი მოგვცენ და თითქმის არც კი ფიქრობენ ასეთ კითხვებზე. „ისინი, ამბობს ლიბიხი,—საბუნების მეტყველო მეცნიერებათა გამოკვლევის კენწეროებს ებლაუტებიან და ჰგონიან, რომ სრული უფლება აქვთ აუხსნას უცოდინარ და გულუბრყვილო ხალხს, თუ როგორ წარმოიშვა თავის თავად მთელი ქვეყანა და სიცოცხლე და თუ რამდენი რამე იცის კაცმა უუმაღლეს საგნებზე“⁴⁾. მაშასადამე ქეშმარიტ მეცნი-

ერებას კი არა, რომლის უკეთეს წარმომადგენელთ ღრმად სწამდათ ღმერთი (როგორც მაგ., კოპერნიკი, გალილეი, ლინეი, პასკალი, კეპლერი, ნიუტონი, კუვიე, ფარადე, ლიბიხი, ფენერეი, მედლერი, ფაი, ვირხოვი, ი. მიულერი, გუმბოლდტი, არაგო და სხვ.)—არა ქეშმარიტ მეცნიერებას, არამედ ზერელობას მეცნიერებაში მართლაც შეუძლიან მიიყვანოს კაცი ათეიზმამდე. ათეისტები ბიუნერი, ფობტი, მოლეშოტი და სხვ. სრულებით არ ითვლებიან პირველ ხარისხიან ბუნების მეტყველებად. საზოგადოთ, მსწავლულთა ანგარიშით, 92% ბუნების მკვლევართა და ფილოსოფოსთა ღრმად მოწმუნეა ღვთისა, 6% ასე თუ ისე გულგრილად უყურებს სარწმუნოებას და მხოლოდ 2% ილაშქრებს სარწმუნოების წინააღმდეგ⁵⁾.

მეორე ცრუ მიმართულება საბუნების მეტყველო მეცნიერებაში, რომელიც ღვთის შეგნებიდან ღვთის იდეას, არის ჩვეულება მხოლოდ და მარტოდ მარტო გრძნობადი მატერიალურ საგნების გამოკვლევისა. გარეგანი ბუნება უმოწმებს რა კაცს ღვთის არსებობას, იმავე დროს თხოულობს მისგან წაიკითხოს ეს გამოცხადება შინაგან სულიერ სინათლეზე. მაგრამ ვინც კი მთელ თავის სიცოცხლეს სწირავს მხოლოდ ატომებს, მათ თვისებათა და მექანიკურ შეერთებათა გამოკვლევას, ის ხშირად ივიწყებს, რომ ბუნების ბრმა ძალების უკან მოქმედობს უმაღლესი სულიერი არსება და ამასთან ერთად კაცის შინაგანი ნიქი—ღვთის ცნობისა ბუნებაში, ვერ პოულობს კანონიერ დაკმაყოფილებას და სუსტდება. ეს ნელ-ნელა კაცი თავის ცალმხრივი და ცრუ მოქმედებით შეუმჩნეველად შეიძლება მივიდეს ღვთის უარ-ყოფამდე. ასე ემართებოდა სიყმაწვილეში ხსენებულ ხირურგს ნ. ივ. პიროგოვს, რომელმაც, როგორც თვით შექნიშნავს, „ზედმიწვევით იცოდა თავისი მეცნიერება“⁶⁾. თუ ალა-

2) Русская старина, 84 г. т. 44, 18.р.
 3) Письма о хилий, Либиха, изд. Алексеева. 61 г. пис. 24 289.

4) სახელ განთქმული დარკინი კი სცხოვრობდა, როგორც შვილი თავის ვკლესისა. пр. об. 85, 1; ст. Гусева „Христ. въ отнош. къ фил. и наук“.
 5) PtennigsAvt. Chvistusim molcaenen Geist-esleben, 1903, 5, 80.
 6) „Русская старина“, 44 стр. 450.

მიანები, რომელნიც უზომოდ ეძლევიან ბუნების მეცნიერებათა შესწავლას, ხანდისხან, მოისურვებენ თითქოს მიუღგომლად გადასწყვიტონ კითხვები ზესთა-ბუნებრივ ქვეყნისა, აქაც კი ესენი ცდილობენ იარონ თავიანთი ჩვეულებრივი (ინდუქტიურ და ემპირიულ) მეთოდით, რომლის ძალით ქეშმარიტი არსებობა საგნისა უნდა იყოს დამყარებული რეალურ ფაქტებზე, ცდაზე და დაკვირვებაზე. ისინი არ აძლევენ მნიშვნელობას თითქმის ფსიხოლოგიურ ცდასაც მხოლოდ იმიტომ, რომ ეს ცდა შინაგანია და არა გარეგნული. ერთად ერთ გამონაკლისს ამ კანონიდგან, მომხრეები წმინდა ემპირიზმისა (მატერიალურ ცდისა), ულოლიკოდ უშვებენ მათემაკისთვის და აღიარებენ აქ დედუქციის და რაციონალურ დამტკიცებათა მნიშვნელობას. უეჭველია უხილავ ქვეყანასთან ასეთ დამოკიდულებით მათი გამოკვლევა ამ სფერაში არ შეიძლება წარემართოს. ღვთის არსებობას ყველაზე უწინ მოწმობს შინაგანი ცდა, ან შინაგანი პირდაპირი გრძნობა მის არსებობისა და შემდეგ უკვე ეს ქეშმარიტება შეიძლება აიხსნას რაციონალურად. ზოგიერთ ემპირიკებს არ უნდათ გაიგონ ეს და პირდაპირ უარ-ყოფენ ღმერთს. აი რატომ ლაპლასმა, დაათვალიერა რა ცა ტელესკოპით, როგორც თვითონ ამბობს „ვერსად ვერ ნახა ღმერთი.* ცხადია რომ ასეთ თამამ დადგენილებაში მონაწილეობას არ იღებს ქეშმარიტი მეცნიერება. „მეცნიერება,—ამბობს სტ. ჯევონსი²⁾—არ უარ-ყოფს რომელიმე საგნის არსებობას მხოლოდ იმიტომ, რომ არ შეიძლება მისი არც აწონვა და არც გაზომვა.* საბუნების მეტყველო მეცნიერებათა შემდეგ ათეიზმისკენ ჰხრის ადამიანს ზოგიერთი ცრუ მიმართულება ფილოსოფიურ აზროვნებისა, რადგანაც იგი ეხება სარწმუნოებრივ ქეშმარიტებას. ასეთია ყველაზე უწინ მატერიალიზმი, რომელიც აღიარებს, რომ ქეშმარიტად არსებობს მხოლოდ საუკუნო მატერია. აქედგან პირდაპირ გადადის ქვეყნის შემქნელ ღმერთის უარ-ყოფაზე. ერთმა ნემეცმა აპოლოგეტმა სთქვა, რომ „მატე-

რიალიზმი და ათეიზმი ტყუპი ძმები არიანო“¹⁾. მატერიალიზმის ნათესავ სენსუალიზმს ერთად ერთ წყაროდ ცოდნის შექმნისა მიიჩნია გარეგანი გრძნობა. აქედგან გამოჰყავთ ცრუ დასკვნა, რომ ზესთა ბუნებრივი, სულიერი ქვეყანა და მასთან ღმერთიც არ არსებობს. ამავე დასკვნამდე მიჰყავს პანტეიზმსაც, რომელიც სრულყოფით არაფრით არ არჩევს უხილავ ქვეყანას ხილულ ქვეყნისგან. ამ გვარად, მხოლოდ მსუბუქს და ცალმხრივ გამოკვლევას მეცნიერების სამეფოში, ემპირიულ საზღვრების ცოდნის შეუგნებლობას და ამასთან კერძო ფილოსოფოსთა უკიდურეს სისტემებს ქეშმარიტად შეუძლიანთ ხანდისხან კაცო გადახრონ ათეიზმისკენ. მაგრამ ყოველი ქეშმარიტება და მაშასადამე ღვთის არსებობის ქეშმარიტებაც ცალმხრივობაზე მალა სდგას. „მეცნიერება,—ამბობს ჯევონსი¹⁾,—თუ სიმდაბლით და ჩვენი გონების განსაზღვრისთვის ჯეროვან შეგნებით დავიწყებთ მის შესწავლას, გვაძლევს მხოლოდ უფრო მალა და ფართო ცნებას შექმნის კითხვებზე,* და გვიხსნის, უნდა დაუმატოთ, შემოკმედ-ღვთის არსებობას. „ბუნების შესწავლა,—ამბობს ლიბიხი,—არის გზა მოწიწებისადმი ქვეყნის დამბადების და გამგებლის წინაშე“²⁾. ხანდისხან ათეიზმი აღმოცენდება ხოლმე სარწმუნოებრივ ნიადაგზე. ამ შემთხვევაში იგი თითქოს პროტესტია რომელიმე საზოგადოების დამახინჯებულ სარწმუნოებრივი ცხოვრების ფორმების წინააღმდეგ. ასე, მაგ., მეჩვიდმეტე საუკუნეში, დასავლეთში ათეიზმი გამოიწვია თითქოს კათოლიკეთა სამღვდლოების ფინატიზმმა და დასაძრახ ყოფა-ქცევამ. (ბარტოლომეს ლამე, ისპანიის ინკვიზიცია). ვსთქვათ, რომ ათეიზმი ხანდისხან შეადგენს რეაქციას სარწმუნოებრივ ცხოვრების დამახინჯების წინააღმდეგ. ეს მხოლოდ იმას ჰნიშნავს, რომ მას არ შეუძლია გაარჩიოს ქეშმარიტი სარწმუნოებრივი ცხოვრება ცრუ სარწმუნოებრივ ცხოვრებიდან და ულოლიკოდ უარ-ყოფს

¹⁾ Чт. въ Общ. Люб. дух. просв., 78 г. Июнь, ст.—, „Атеизмъ“, X, X.
²⁾ Основы науки, 712.
³⁾ Письма о хилии, 35

¹⁾ Основы науки, перев. со 2 изд. Антоновича, стр. 712.

დღეა-აზრს სარწმუნოებისას—რწმენას ღვთი-
სადმი. ამას გარდა ათეისტებს შეუძლიანთ თუ
არა ხელახლა გახდენ ქეშმარიტ მორწმუნე-
ებად, რომ არ იყოს სარწმუნოებრივ ცხოვრე-
ბაში მათი ამალეღვებელი ანომალია? უეჭვე-
ლია ვერა, რადგანაც მათი სარწმუნოება იქ-
ნებოდა მაშინ დაფუძნებული არა მათს საკუ-
თარ შეურყეველ რწმენაზე სარწმუნოების
ქეშმარიტებაში, არამედ მხოლოდ ცივ შეგნე-
ბაზე, რომ სარწმუნოებას არ ხმარობენ ბორო-
ტების ჩასადენ საშვალებად. ისინი ირწმუნებ-
დნენ მხოლოდ იმიტომ, რომ არ ექნებოდათ
მიზეზი არ ერწმუნათ. მაგრამ ასეთი რწმენა
იგივე ათეიზმია, მხოლოდ დროებით ბაუქუღა-
ნებელი. მაშასადამე ათეიზმი თავის ღღეში
არ შეიძლება იყოს მხოლოდ რეაქციით
სარწმუნოებრივ ცხოვრებაში უწესოების
და ანომალიის წინააღმდეგ. ამ შემთხვე-
ვაში იგი იბადება ზნეობრივ გრძნო-
ბის დაუსტების გამო და იკეთებს რეაქციის
ნიღაბს, რომ—ასე ვსთქვათ—ესროლოს ტალა-
ხი სარწმუნოებას, რომელსაც უარყოფს. ამ-
გვარად გავიცანით რა მიზეზები ათეიზმის
აღმოცენებისა, ცხადია, რომ ათეიზმი არის
სრულიად არა ბუნებრივი და თავის წარმო-
შობით ავადმყოფი მოვლენა ადამიანის ცხოვ-
რებაში. ათეიზმი ნამდვილად თითქმის შეუძლე-
ბელია. ათეიზმად უნდა ვიგულისხმობთ ძლიერი
დაცემა სარწმუნოებრივ შეგნებისა და არა
სრულიად მოსპობა მისი.

მაგრამ მიუხედავად მთელი თავის სიმახინ-
ჯისა, ათეიზმი ისწრაფვის გახდეს უნივერსა-
ლურ პრინციპად; ცდილობს თავის ხელში ჩა-
იგდოს და გარდაქმნას თავის გემოზე მეცნიე-
რება და ცხოვრება, რომლებშიაც ჰხედავს უფრო
შესაფერ ნიდავს თავის განვითარებისთვის.
სად ვეძებთ შემაერთებელი წერტილი ათე-
იზმისა მეცნიერებასთან და რა მოსდევს მათ შე-
ერთებას? საზოგადოთ მეცნიერების მიზანია შე-
სწავლა, როგორც ფიზიკურ, ისე სულიერ
ბუნების მოვლენათა, მოქმენა კავშირისა ამ
მოვლენათა შორის და ახსნა მათი მიმდინარე-
ობის კანონებისა, აღმოუფხვრელი კითხვები,
რომელნიც თანდაყოლილი აქვს კაცს, — რო-

გორ, რატომ და რისთვის? — ეხება გარემო
სინამდვილესაც. ამას ამტკიცებენ მუდმივი
აღმოჩენანი ამ კითხვების ხელმძღვანელობით.

მაგრამ მიზანი ჩვენი ცოდნისა ითხოვს,
რომ კაცმა, როდესაც იგი მოვლენათა ახსნა-
ში გადადის ერთი მიზეზიდან მეორეზე, იპო-
ვოს პირველი დასაწყისი ერთი მეორისგან და-
მოკიდებულ მიზეზებში. დაუსრულებელი და-
მოკიდებულება მიზეზთა შეუძლებელია გონე-
ბისთვის და უნუგეშოც არის ქვეყნის მოვლენ-
ათა გამოკვლევაში, —საჭიროა ვაგჩერდეთ რა-
მე საფუძველზე. ამისთვის აუცილებელია მივი-
ლოთ ერთი აბსოლუტური მიზეზი, რომლი-
დგანაც შესაძლო იყოს აიხსნას მთელი მიზე-
ზებრივი ჯაჭვი ქვეყნის მოვლენათა¹⁾. აზრი და
სიცოცხლე, რომელთაც ვხედავთ მსოფლიოში,
გვაიძულებენ მივილოთ ამ მსოფლიოს მიზე-
ზად — შემოქმედი — უმაღლესი გონიერი არსე-
ბა, ე. ი. უნდა ვიწამოთ ღმერთი. ღვთის არ-
სებობის რწმენაზე უნდა დაემყაროს ქეშმარიტი
მეცნიერება, რომელსაც სურს ნამდვილად
ახსნას მოვლენანი; ამ დამოკიდებულ მიზეზებ-
ში ქეშმარიტი მეცნიერება ჰხედავს დამოუკი-
დებელ და საყოველთაო მიზეზს — ღმერთს. და
თუ მეცნიერება გაჰყვება ათეიზმს, მაშინ იგი
დაანგრევს თავის მკვიდრ შენობას, რომელიც
ეს რამდენიმე საუკუნეა სდგას შეურყეველად
და ააშენებს ახალს — ფხვიერ ქვიშაზე... ათე-
იზმთან, — ამბობს კათოლიკეთა მსწავლელი
უბახსი, — არ შეიძლება არავითარი ნამდვილი
ცოდნა; ამ შემთხვევაში შეუძლებელია აიხსნას
მოვლენანი, იმიტომ რომ მათი მიზეზი ვერ
დააკმაყოფილებს გონებას²⁾. და მართლაც
ათეიზმი არაფერს შეჰმატებდა მეცნიერებას
გარდა ცნებათა ცთომისა და არევისა. ათე-
იზმის თანახმად მოვლენათა ახსნაში მეცნიე-
რებას უნდა დაეშვა ან გაუგებარი ფარგალი
მიზეზთა, ასე რომ პირველი (უპროსი) მიზეზი
შეიქნებოდა მასში საძირკველად უკანასკნელ
მიზეზისა (უფროსისა), და ან უნდა აღეარები-
ნა შემთხვევითობა მაშინ, როდესაც ყველგან

1) пр. обзор, 1886 г. проф. В. Д. Ку-
рявцева — „Космог. доказ. бытия божия.
2) Theologiae... elementa, p. 23.

ვხედავთ მიზანშეწობილობას. ასეთ თუ ისეთ გარემოებაში მეცნიერება არსებობის უფლებას დაჰკარგავდა, რადგანაც ვერ ახსნიდა მოვლენებს და დაუწყებდა ყურებას მათ ზღაპრულ პარ. მუნხგანზენის თვალთ, რომელიც ვითომ თავის თავს თმებით შოათრევედა წყლიდგან, ამასთან ერთად მეცნიერება, როცა გახდება ათეისტური, დაჰკარგავს იმედს რომელიმე ქეშმარიტების პოვნისას, რაც შეადგენს ადამიანის ცოდნის მიზანს. ქეშმარიტება არის თანხმობა და არა იგივეობა ცოდნასა და არსს შორის. ადამიანის აზროვნებასა და ასეთ აზრებულ არსს შორის ასეთ თანხმობის ასახსნელად აუცილებელია აღვიაროთ მათი საერთო დასაწყისი და წყარო. მხოლოდ აღსარება უმაღლეს არსებისა, რომელმაც შეათანხმა არსი და ცოდნა, იძლევა ერთად ერთ ახსნას, რომ შესაძლებელია და არსებობს ქეშმარიტება¹⁾. და თუ ათეიზმი უარყოფს ამ არსებას, მან უნდა უარყოს თვით ფაქტი ქეშმარიტ ცოდნისი. ერთად ერთ შესაძლებელ მიზეზის მოშორებით შორდება მისი შედეგიც. თუ კი შეუძლებელია ქეშმარიტი ცოდნა, მაშინ რაღა საჭიროა მეცნიერება? ამ გვარად კავშირი ათეიზმსა და მეცნიერებას შორის დამღუპველად მოქმედობს ამ უკანასკნელზე. ნამდვილადაც ასე იყო, როდესაც ათეიზმი გრძნობდა რა თავის უსაფუძვლოებას ზნეობის მხარეში, ცდილობდა ფეხი მოეკიდებინა მეცნიერების ნიადაგზე, რომელიც ყველასთვის არ არის გასაგები, მაგრამ თითქმის ყველასგან კი პატივცემულია. ათეიზმი უძველეს დროიდან დაკავშირებული იყო მატერიალიზმთან (მატერიალისტურ ატომიზმთან), და ამ ბოლო დროს ეს კავშირი უფრო გამტკიცდა. მატერიალისტები ქადაგობენ, რომ მთელი ორგანიული და არა ორგანიული სიცოცხლე ვითარდება მხოლოდ ნივთიერების ატომებისგან. სული ადამიანისა არის ნაყოფი მის გრძნობათა; ტვინი ჰქენის აზრებს მხოლოდ იმიტომ, რომ მასში ხდება მატერიის მოძრაობა და სხვ. მაგრამ დადებითი მეცნიერების წარმომადგე-

ნელნი ძლიერ მტკიცედ ილაშქრებენ მატერიალიზმის წინააღმდეგ. „არსებობს რწმენა,—ამბობს ჯევონსი,—რომ ეგრედ წოდებული ბუნების კანონები მართვენ კაცს და მის შემოქმედს, რომ ბუნებას ამოძრავებს უცვლელი მექანიკური პრინციპები, რომელნიც მოქმედებენ ქვეყნის გაჩენიდან და იმოქმედებენ მუდამ; ასეთ ცნებებს მე ვსთვლი ცდომილად და ზერეულად. ისინი გამომდინარეობენ ცრუ შეხედულობიდან მეცნიერულ დასკვნაზე და უეჭველ ცოდნის ხარისხზე¹⁾. „მატერიალიზმი ჰსენის ერთ ამოცანას მეორეთი“—შენიშნავს გელეზახი, როდესაც არჩევს მატერიალისტურ სწავლას სულზე²⁾.

ეფ. სართანიძე.

მცირე შენიშვნა საღმრთო წერილის წიგნების შესწორების შესახებ.

ერთხელ განსვენებულმა პეტრე ეპისკოპოზმა ერთ კრებაში მოახსენა ეკზარხოსს და სხვებს იქ მყოფელთ: „ქართული საღმრთოწერილის წიგნები მთლიან-ერთიანად სავსე არიან შეცთომებით, ხელში ასაღები არ არიან და კაცმა უნდა დაწვას იგანი“ო. როდესაც ჰკითხეს მათ მეუფებას, მაგალითათ, რა ადგილებია ასე დამახინჯებულიო, მოიყვანა დაბადებიდგან აბრაამის ძმისწულის სახელი, რომელსაც ერქვა „ლოტი“; ქართულ დაბადებაში „ლოთი“ არის დაბეჭდილიო. ამისთანა მაგალითი მოგვიყვანა მამა კალისტრატემ თავის პასუხში ბატონ ხელის წინააღმდეგ. „დაფლვის“ მაგიერ „დაკვლის“ სწერიო. ბატონებო! ამნაირი კორექტურული შეცდომები რომელი ხალხის საღმრთო წერილის წიგნებში არ მოიპოვებიან, მაგრამ ვინ გაიძახის: „ჩვენი საღმრთო წერილის წიგნები უნდა დავწვათ და ხელმეორეთ უნდა გადავთარგმნოთ“ო. მით უმეტესად ჩვენ ქართველებს არ გვეთქმის ეს. თუ ჩვენმა წინაპ-

¹⁾ пр. обзор., 1886 г. ст- проф В Д. кудряева — „Гносеологическое доая бытия Божія.

²⁾ осны науки, 686.

³⁾ человекъ; его сущность и назначеніе, 39.

რებმა, რომელთაც ზედმიწევნით იცოდნენ როგორც თვისი დედაენა, ისე ბერძნული, ებრაული, და სირიული, ვერ გათარგმნეს ხეირიანად, ნუ თუ ჩვენ. რომლებმაც წაკითხვაც არ ვიცით ამ ენებზე დაწერილთა, შევსძლებთ უკეთ გადათარგმნას. უკეთესია ტრანსლიტერაციის თავე დავანებოთ და მხოლოდ კორრექტურულ შეცდომებს მივაქციოთ ყურადღება და ისინი შევასწოროთ. მაგრამ ამ შრომისათვისაც საჭიროა გვყავდეს ღრმა მცოდნენი ქართული ენისა, თორემ ზოგიერთებს ძველებური ფორმით სიტყვების გაგონება ენოთირებათ და თავის უვიცობის გამო შეცდომებით სთვლიან ისეთ ადგილებს, რომლებიც რომ გადასწორონ სხვანაირად, ქართულ ენას მაშინ დაამახინჯებენ. მაგ. დიდ ღრტვინვაში, ფიქრში არიან ჩავარდნილნი ზოგიერთები, თუ როგორ უნდა წარმოვსთქვათ ასამაღლებელი, ისე, როგორც ახლად დაბეჭდილი, თუ უნდა შეასწორონ? ზოგიერთებმა კიდევაც შეასწორეს თავისებურად და წირვა-ლოცვის დროს დაიწყეს წარმოთქმა. ბატ. ხელის თქმის არ იყოს, სრულებითაც არ ჩასთვალეს მათ თავის მიუცილებელ მოვალეობათ ჯერ სხვებთან შეთანხმებულიყვნენ ამ დიდმნიშვნელოვან საკითხის საფუძვლიანად გადაწყვეტის შესახებ. ორი წელიწადია მას აქეთ, ზოგიერთმა მამებმა და მათ შორის დავით ეპისკოპოზმაც წირვის დროს ასამაღლებელი: „შენი შენთაგან“, შესცვალეს „შენთა შენთაგან“.. ერთმა მღვდელმა შენიშვნა მისცა მღვდელმთავარს, რათ კადრულობთ თქვენ მაინც აჩქარებას ისეთ საქმეში, რომელსაც დიდი დაფიქრება სჭირიაო; ბევრი უმტკიცა, „შენნი შენთაგან“ უფრო სწორი გამოთხატველია აზრისაო, მაგრამ ვერას გახდა. თურმე მერმე, რაცხა შემთხვევით, ჩავარდნია ხელში მათ მეუფებას „Историческое. догматическое и таинственное изъяснение лутургии“ ბატონ დიმიტრიევსკისა, სადაც ავტორი ამტკიცებს, რომ „შენნი შენთაგან“-ი უნდაო, დაანება თავი „შენთა შენთაგან“-ის წარმოთქმას. თუ მათი მეუფება ღრმით დაუკვირდება საღმრთო წერილის სი-

ტყვეს, შეისწავლი იმ ენას, რა ენაზედაც ლაპარაკობდნენ საღმრთო წერილის წიგნების ქართულ ენაზე გადათარგმნის დროს, მიხედება, რომ რაც მას შეცდომა ჰგონია და შესასწორებელი სრულებითაც არ საჭიროებს შესწორებას. მაგ. ავილოთ კავშირი „და“ მათ მეუფებას ძლიერ აბრაზებს ამ კავშირის ხშირად ხმარება და ამბობს: „რამეთუ შენი არს სუფევა და ძალი და დიდება“-ს მაგიერ გაცილებით უმჯობესია ითქვას: „რამეთუ შენი არს სუფევა, ძალი და დიდება“ ანუ ნაცვლად: „მამისა და ძისა და წმიდისა სულისა“ ითქვას: „მამისა, ძისა და სულისა წმიდისა“. ქართულ ენაში არავითარი განსაკუთრებული კანონები არ არსებობენ, რომლების ძალით უარყოფილი უნდა იქმნეს „და“ს ხმარება. პირიქით, სიამოვნებით უნდა იქნეს მიღებული ის გარემოება, რომ ჩვენი ძველი მთარგმნელები, რომლებიც მათი ბიოგრაფების მოწმობით „აღივსებოდენ მადლითა სულისა წმიდისათა“, სთარგმნიდნენ განსაკუთრებული სისწრაფით და სიმტკიცით, იცავდნენ წმ. წიგნების ტექსტის სულსა და აზრის ძლიერ-მოხილობას. სწორეთ ამიტომ, ჩვენი აზრით, ჩვენი ისე, როგორც სომეხთა, საღმრთო წერილის წიგნები, სავსებით გადმოგვცემენ პირველი წყაროების სიმტკიცესა და ძლიერ-მოხილობას. სწორეთ ამიტომ ჩვენი საღმრთო წერილის წიგნები კვალ და კვალ მისდევენ უძველეს ებრაულსა, ბერძნულსა და სირიულ ტექსტს, სადაც ეს „და“ ისევეა ნახმარი, როგორც ჩვენს ენაში. კავშირი „და“ აძლიერებს და განსაკუთრებულ აზრსა და სიმტკიცეს აძლევს ყოველ ნათქვამს. მაგ. ავილოთ დაბადებიდგან შემდეგი ადგილი: „და აკურთხა ღმერთმან ნოე და ძენი მისნი და რქვა მათ: აღორძინდით და აღავსეთ ქვეყანა და ეთფლენით მას და შიში თქვენი და ზარი“... ან კიდევ შემდეგი: „გამოვიდა ნოე და ცოლი მისი, ძენი მისნი და ცოლნი ძეთა მისთანი და ყოველი მხენი და ყოველნი საცხოვარნი და ყოველნი მფრინველნი და ყოველნი ქვეწარმავალნი“... ამისანა ადგილებით სავსეა საღმრთო წერილის წიგნები და ნუ თუ ვერ

მიხედნენ, რომ „და“ ეხმარათ მხოლოდ ერთხელ და მით შეემსუბუქებიათ შრომა, თუ კი ამით არა თუ დამახინჯდებოდა აზრი, არამედ, როგორც ბრძანებს მათი მეუფება, უფრო მკაფიოთ იქნებოდა იგი გამოთქმული? „და“ ამტიკებს თვითეულ ფაქტს და ამასთანვე ამოკლებს, ანუ შესაძლებელად ხდის ქვემდებარის ანუ მოქმედების ერთხელ ხმარებას. საკმაოა ერთხელ ითქვას გამოვიდა, რომ ყოველი ქვემდებარე განსაკუთრებულ წინადადებათ ვიგულისხმობთ; ოღონდ კი განვიმეორათ ეს „და“. რატომ უნდა უმტყუნოს ქართულმა ტექსტმა ბერძნულს, გბრაულს, სლავიანურს, რომლებშიაც სწორეთ ასეა, არ მესმის. ძალიან გაკვირვებია მათ მეუფებას ფორმა „ურთიერთ არს“ ანუ „ურთიერთას“ ეს ფრიად საინტერესო ფორმაა. როგორც მაქვს გაგებული კერძო პირთაგან, „ურთიერთარს“ ზმნის ზედითი ფორმაა და იგი თითქმის უცვალელებელია ძველ ენაში. „ბრძოლიან ურთიერთას“ „მტერ ექმნეს ურთიერთას“ „ბრძოდეს იგინი ურთიერთას“ „კვლად ურთიერთარს იყვენით“ და სხ. დღეს ცხოველ ენაში მის ნაცვლად იხმარება: „ერთი მეორე“ „ერთმანეთი“, რომელიც არსის სახელების ახალ ფორმათა კანკლედობის თანახმად იცვლება. ასე რომ მათ მეუფებას ასე თავისუფლად ძველი ფორმის შეცვლისათვის არავითარი საბუთი არა აქვს. „მოხედენ“ უნდა მათ მეუფებას გადასწოროს „მოხედეთ“. რისთვის, არ ვიცი. როგორც გამიგია, „თ“ შემდეგი დროის შეზრდილა (нарошение), ძველ ენაში მას ადგილი როდი ქონდა. მაგალითად: მოგიტანა თქვენ—დღეს მოგიტანათ ძველად „მიგცე თქვენ—მიგცეთ თქვენ; ძველად „გნებაენ თქვენ—გნებაესთ და სხვა და სხვა—გინებიის „მოხედენ“ არის ბრძანებითი კილო, მაგრამ თან ზრდილობიანი. „აღვუსრულოთ უფალსა“—ს შესახებ მე თანახმა ვარ იმ განმარტებისა, რომელიც წამოაყენა ბ. დიმიტრას მამიდაშვილმა; ძალიან ენათობება მათ მეუფებას „ხდად“ წარმოთქმა და მის ნაცვლად ამჯობინებს „ხდად“ თქმას. რისთვის, როცა საღმრთო

წერილში არა ერთხელ შეხვდება კაცი „ხდად“ მათი მეუფება საღმრთო წერილის წიგნებს არ ენდობა, რადგან ეს წიგნები თვითონ საქართვებენ შესწორებას. ვიმეორებ კიდევ: ვუფრთხილდეთ, ჩვენი უფიცობით სულ არ გაეაფუქოთ, რაც გადმოგცევს ჩვენმა წინაპრებმა, ღრმით ქართული ენის მკოდნებმა. ვისაც არ ესმის ძველი ფორმა, ვურჩევ შეისწავლოს მკოდნე პირთაგან, ვინემ შეკლმათ ჩასთვლოს ის, რაც ნამდვილ ქართულ ენის ფორმას შეეფერება.

ბაჯითელი.

პაი მეტი ზაჟისაგან!

(გუძღვნი ამსახვ ჯაჯუს).

ხშირათ შეხვდებით ხოლმე მაღალ თუ დაბალ საზოგადოებაში სჯა-ბაას, თუ რა არის მიზეზი დღევანდელი ჩვენი აწეწილ-დიწეწილი მდგომარეობისა. ასახელებენ სხვა დას სხვა მიზეზებს, სხვა და სხვა საბუთები მოჰყავთ თავიანთ აზრის დასამტიკებლად და, შეიძლება, საფუძელიანადაც, მაგრამ მე ყოველთვის ვფიქრობდი, რომ სხვა და სხვა გარემოებათა შორის მუდამ ავიწყდებათ ერთი რამ, რაც შეიძლება, იყოს ერთი არა უმცირესი მიზეზი სხვა მიზეზთა შორის ჩვენი არეულობისა. ეს ერთი რამ გახლავსთ ის, რომ, რალაც მანქანებით, ყველა მომეტებული ქკუის შეიქმნა ამ მეოცე საუკუნეში. მეცხრამეტე საუკუნეში ყველა კარგად ვარჩევდით მოსწავლეს და მასწავლებელს, უგნურს და ბრძენს, უფროსს და უნკროსს გამოცდილს და გამოუცდელს, ქკუის დამრიგებელს და ქკუის დასაირიგებელს დღეს კი, ამ მეოცე საუკუნეში, ყველა დიდი ქკუის პატრონი შეიქმნა, ასე რომ აღარ არის ცნობა და განჩევა. გაშიგონია, ურია რომ გულით დაგწყველის, ოჯახის გასწორებას გისურვებსო. აბა სწორეთ ჩვენ დაუწყველივართ იმ ოჯახქორს, მაგრამ რას გვერჩობა, განა ის არ გვეყოფა, რომ თითეული ჩვენგანი დაყურულია ურის ეალში? მაგრამ

როგორც უნდა იყოს, ოჯახი კი გაგვისწორდა; გაგვისწორდა მთა და ბარი, იალბუზი და გეგუთის მინდორი; ეს ღღეს ფაქტია, რომელსაც ანგარიში უნდა გავუწიოთ, თუ გინდურის წყველის შედეგიც იყოს.

ყველაზე უფრო ოჯახის გასწორება სკოლას დაეცუა. ყველას წაუსწრო ქუჩით მოსწავლე ახალგაზღვრებამ. შკოლაში ეხლა სრული თანასწორობაა, მოსწავლე თავისუფალია ისე, როგორც არასოდეს: უნდა მობრძანდება კლასში, უნდა არა; ინებებს გავაგაკვეთილიდან, ინებებს ამხანაგებს ემასლაათება; ენებება ყურს უგდებს მასწავლებელს და თუ არა, ზურგს შეაქცევს; ხანდისხან ბრძნის პოზას მიიღებს და მედიდურად იღიმება და ამ ღიმილში ადველად ამოიკითხავთ. «დაბერებულხარ, ოსტატო ძიავ, მაგ აზრებმა უკვე მოსქამეს წუთისოფელი და კაი ხანია არხივს მიეზარენ». თუ მოსწავლე გაკვეთილზე ზის მისთვის კი არა, რომ ყური უგდოს და ისწავლოს, არამედ რათა გაკიცხოს და ჭაქიქოს მასწავლებლის დაბერებული აზრები. ამ მიზნით ის ხშირად უცნაურ კითხვებსაც იძლევა. ზოგი მოწაფე მეორე გაკვეთილზე შემოვა და რომ ჰკითხავ, რა მიზეთით დაიგვიანეო, გეტყვის: «ალბათ მიზეზი იყო, თორემ ჩემი თავის სიკეთე მე უფრო მინდა და მესმის შენზეო». და ეს თავის მოკეთე ვაებატონი არასოდეს გაკვეთილს არ ამზადებს და რომ მოხეზს ჰკითხავ გეტყვის: «განა მაგისანა „პუსტიაკებზე“ დროს დაქარგვა ღირსო, ის არა კმარა, რაც კლასში თავს ვილაყებო?» და ესევე «პუსტიაკების» უარისმყოფელი მიდის ამხანაგ—ინსპექტორთან და თეატრის ან ცირკის ბილეთს სთხოვს, უთუოდ მისთვის, რომ ეს «პუსტიაკი» არ არის, ეს «ფიქნი» რამაა. თუ ინსპექტორი უარს ეტყვის, სულ ერთია,—იგი მაინც წავა. ხშირად მოსწავლე იმაზედაც კი დაიწყებს ფილოსოფოსობას, თუ რა საჭიროა ესა თუ ის საგანი, რა საგრძნობელ სარგებლობას მოუტანს იგი მას. ხალხი სარგებლობა ყოველთვის მატერიალური, ნივთიერი იგულისხმება. რატომაც არა! მოსწავლეებმა ეხლა ძალიან

კარგათ იციან, რომ აღამიანი საქმლის მომწინებელი მანქანაა, რომელსაც ხანდისხან გართობაც ეჭირვება, უთუოდ მისთვის, რომ კარგად მოინგლოს სანოვაგე. ამიტომ თავის მასწავლებლებშიდაც ის მეტს ვერაფერს ხედავს, გარდა იმავე მანქანისა, რომელსაც მიტომ აუღია საგნად მასწავლებლობა, რომ მანქანას არ მოუშვიდეს. სამართლიანობაზე ნუ დაიწყებთ ტყვილა ლაპარაკს. თანამედროვე «უჩენიკმა» ზეპირად იცის, უსწავლელოდ და გამოუცდელად იცის, რომ ყოველივე მისი მოქმედება სამართლიანია, ყოველივე მისი აზრი უმცდარი ქეშმარიტებაა, ყოველივე მისი მოქმედება აზრიანი და საბუთიანია, ყოველივე მისი საქციელი მართებული და პატიოსანია. სხვისი? რა საკითხავია! განა შეიძლება სამართლიანობაზე ლაპარაკი იქ, სადაც განხორციელებულ სამართლიანობას, ე. ი. მოსწავლეს, თავისუფლებას უზღუდავენ?

არის სფერა, რომელშიაც ბადალი არა ჰყავს თანამედროვე მოსწავლეს. ეს პოლიტიკის სფერაა. მან ზეპირათ იცის რა პოლიტიკური წესწყობილება დაამყარებს ქვეყანაზე ბედნიერებას, ე. ი. რა წესწყობილება გააძღობს კუქს და მისცემს აღამიანის ბუნებრივ მოთხოვნილებათა დაკმაყოფილების საშუალებას. გასაზოგადოებრივება ყოლიფრისა, რაც კი ღღეს კერძო საკუთრებას შეადგენს, უსულო საგნებიდგან, ე. ი. სამუშაო იარაღიდგან, დაწყებული სულიერ საგნებამდე—აი სად არის ხსნა სოციალური პრობლემისა. დღევანდელმა მოწაფემ მასწავლებელზე უფრო კარგათ იცის, რომ ქეშმარიტების მპყრობელი მარქსია თავის შკოლით, რომ მის მოძღვრებაში მიაღწია ქვეყნიერებათა თავის განვითარების უკანასკნელ წერტილს, რომლის იქითაც იხედება ქვეყნიური სამოთხე, ის სამოთხე, რომელიც ქრისტეს შეცთომით საიქიოს ეგონა. რამდენი კიდევ სხვა რამე იცის თანამედროვე მოსწავლემ, რაც მის წინაპრებს არ მოღაწდებია, მაგრამ ჩამოთვლილიც კმარა ჩვენი აზრის დასამტკიცებლად, თუ რამდენათ გავგიკუიანდა მოსწავლე ახალგაზღვრება. ამის

შემდეგ რა გასაკვირვალა, რომ შენ არაფერ-
 ლაგიჯეროს, არაფერი გაგიგონოს. თუ შენ
 იგი კლასში გიზის, იმას ნუ ფიქრობ, რომ
 იგი კკუის სწავლებას გთხოვს, მას უფლება
 უნდა, დიპლომი, პატენტი, რომ სადმე მანქა-
 ნის მოსანელებელი იშოვოს და სათარეშო-
 საჭეიფო, სანამ სასუფეველი დაუდგებოდეს.
 ეს რომ არ უნდოდეს, რა ბიჭია შემდეგ
 მარქისისა, პლენხანოვისა, ბებელისა და კაუტ-
 კისა, აგრეთვე ნ. ყორდანიასა შენ კარზე
 მოგადგება და „მასნებს“ გისმენს! ან რა გასა-
 ცვლელია დარვინი, ვილაც „ევეგენი ონეგი-
 ნის“ ყურმოქრილ მონაში, ან ვილაც იესო ნა-
 ზარეველის ქურუმში!... ამდენი კკუა აქვს
 თანამედროვე მოსწავლეს, მაგრამ „ვაი ამ კკუი-
 ისაგან“!

უკაცრავათ, ამხანაგო, არ გეგონოს
 ამით ვათავებდეთ შენ ძღვენს; გათავება მაშინ
 იქნებოდა, თუ „მეტი კკუა“ მხოლოდ მოსწავ-
 ლეებს გასჩენდათ. მეოცე საუკუნემ კერ-
 ძობა არ იცის... შემდეგი იქმნება ნოქარ-
 ვაქრებზე.

კონსერვატორი.

კიდევ ეოვლად საქმედელთა გაბრძელებზე.
 (გაგრძელება“).

ვიმეორებ, ვისაც საქმიანობის უნარი
 აქვს და ქანქარი არ სურს მიწაში დაფლას,
 სოფლის საზოგადოების, წრის ხასიათიც კარ-
 გათ შეუგნია, იგი დაბრმავებულს, მოდუნე-
 ბულს უმეტესობას ვერ შეაჩერდება. მან დრო-
 შა მალა უნდა ასწიოს, რომ ბრმა მასისი
 და ბრბოსგან ნატყორცნი ტალახი და შხამი
 მას არ მისწვდეს, და თავის გზაზე, ეკლიან
 გზაზე წაღდით და ცელით ხელში მხნედ
 დაადგეს და მხნედ ჰკრიფოს ეკლები და ქინ-
 კრები, თუნდ ხელებიც კი დაეშუშხოს და
 დაუსისხლიანდეს. მან, ვიტყვიტ გაბრძელების
 სიტყვებით, —თვით ამ ბრძოლაში უნდა ჰპო-
 ვოს თავის ნუგეში. ისეც არ იქნება, რომ
 ზოგმა მიინც არ დასდოს ფასი მუშაკის შრო-

მის, და ეს თითო-ორილა გამამხნეველნი და
 პატივისმცემელნი გაუწევენ მას უმეტესობის
 მაგიერობას. ამით უნდა ინუგეშოს თავი მუ-
 შაკმა და გული არ გაიტეხოს. როგორც იდა-
 მიანი ყველა ერთ დღეს არ იბადება და არც
 კვდება, ისე ყველა ერთ დღეს არც ინათლება
 სულიერად, არც იზრდება.

გონებრივი და ზნეობრივი ზრდა საზოგა-
 დოებისა ჰგავს კუსა და კამეჩს. იგი მძიმე,
 ზანტი ბიჭით მიდის წინ; მაგრამ მიდის-კი
 ყოველთვის?! ხშირად იგი კვიმატიანი ჯორი-
 ვით ხან წინ მიბაჩბაჩებს და ხანაც უკან მე-
 ტი სისწრაფით და გულამოქრით ბრუნდე-
 ბა და მიექანება, თვითონაც არ იცის, საით-
 კენ! ისე უაზროდ, შეუგნებლად, რეფლექ-
 ტურად, სიცხიანივით, მძიმე სნეულივით.

საცოდავია მუშაკი ამ დროს! ამ უკუ-
 ქცეულს ტალღაში იგი ხშირად ნაფოტად
 მოსჩანს, ხშირად მებრძოდ, მჭუხარე ჯავ-
 შნიან გემად. ხშირად შორილამ მაყურებელმა
 არც კი იცის?

„ზღვა დასძლევს ნავსა, თუ ნავი —ზღვა-
 სა“.

მუშაკი ზოგჯერ საზოგადოებით ზურგ-
 გამაგრებული წინ მიისწრაფვის მხნედ, გაო-
 ფლიანებული, ქაპანწყვეტით და მისი მად-
 ლიანი ცელიც და წაღდიც სასწაულებს შეე-
 ბა ქინკრის კაფვაში, ღვარძლისა და კუროს-
 თავის ფხვრაში; ხანაც მუშაკს, უკუშემოტ-
 რიანებულს უნებურად და საუბედურო, სა-
 ბედისწრო წუთს, თვით ბრბო ხვდება წინ
 უაზროდ მობარბაცე, რეტიანი, მძლავრი პი-
 რისქარივით, შვაივით და სწორ-სვლას აბ-
 რუნდებიებს, ახრეინებს, ხან აქეთ მოაგდებს,
 ხან იქით მიადგებს, მიახლის, მაგრამ ხშირად
 დახელოვნებული მცურავივით მრისხანე ტალ-
 ლებშიც პოულობს გასაძრომ-გამოსაძრომ ხერე-
 ლებს, გვერდს უქცევს, დაყვინავს, მკლავს
 სხეანიირად გადაჭკრავს, გააპობს ტალღას და
 დამხრჩვილი რომ გგონია, აი იქ, იქ შორს
 ამოჰყო თავი და დროშა ისევ მალა შეაფ-
 რილა!..

იგი ისევ იბრძვის, ისევ მიმდით ჰკვე-
 სავს ბნელში“, ისევ ხელთათმანს უგდებს

ბრბოს, იგი ისევ „გაკაეებია შავ ბედსა“, „დადის შეუპოვარი“, მას ვერ აშინებს რისხვით ცა, კირზედა კირის მოთვარი“, იგი მალლა აფრიალებულს დროშას ეპოტინება და ბრბოს თავლაფდასასხმელად ამ სიტყვებს აწერს ზედ დევიზად:

„არც კაცი ვარგა,

რომ ცოცხალი მკვდარსა ემსგავსოს,

იყოს სოფელში და სოფელს კი

არა რა არგოს!“

თვითონ სულმნათი გაბრიელი არის ასეთი მუშაკის გამამხნეველი. მისი სიტყვა, მისი საქმე რა იყო, თუ არა ბრძოლა, ბრძოლა და ისევ ბრძოლა! მისი ხანგრძლივი ცხოვრება რა იყო, თუ არა განუწყვეტელი დაბრკოლება, ხელის შეშლა, დალატი, დაცინვა, მუქარა, მტრობა შიგნიდამ და გარედამი მაგრამ აბა ჰკითხეთ მომსწრეთ: ერთხელ მაინც გამოსცადა მან უკან დახევა?!.. არა და არა!! მისი გატანჯული ცხოვრება ერთთავად დაჟინებული, გულამოკრილი, თავგადადებული წინსვლა იყო და მეტი არაფერი!.. მისი უკანასკნელი წუთებიც კი, მისი უკანასკნელი სულის ბრძოლაც კი სიკვდილის სარკველზე ესევე წინსვლა და ბრძოლა იყო, ბრძოლა სიკეთისათვის, სინათლისათვის, ცხოვრების აზრისათვის, იდეისათვის, ადამიანობისათვის!.. მთელი სიცოცხლე ეძებდა, ეძებდა და ამ ძებნაში ამოხბა სული! მთელი სიცოცხლე იბრძოდა, იბრძოდა და ბრძოლაში დალია მძლავრი სული!..

„იმ გარემოებებში, რომლებშიცა დღეს გარემოცულია ადამიანი, ამბობდა განსვენებული მებრძოლი, — კაცს მხოლოდ ბრძოლით შეუძლია სისრულემდის და სიწმიდემდის მიღწევა, ამა ცხოვრების ბრძოლა! ბრძოლა გარეგანიცა და შინაგანიც. უკანასკნელი უმაღლესია პირველზე. ვევედრები უფალს, რათა ეს ბრძოლა მუდამ იყოს თქვენში, რადგან ის არის შინაგანი წარმატების ნიშანი. ცუდია, თუ კაცის სინდისი იმდენად დაძინებულია, რომ აღარაფერი არ აწუხებს მას! იმაზე უარესი რაღაა, თუ კაცი ბოროტებას შეურჩე-

და! არა, კაცი დაუსრულებლად უნდა იბრძოდეს. არ შეკრთეს გული თქვენი!.. ბრძოლა ხომ ცხოვრების გარდუვალი კანონია! მას არავინ არ უნდა გაურბოდეს, მას ვერავინ ასცდება. ხოლო ვინც გადასწყვეტა ებრძოლოს ბოროტებას, იგი თვით ამ ბრძოლით დაჯილდოვდება. კაცის ზნეობა ბრძოლით განიზომება. რასაც მეტს იბრძვის, მით მეტს სიმაღლეს სულიერს გვაჩვენებს; მით მისი ნება, ხასიათი მტკიცდება, სული მამაცდება, კეთილი უყვარდება, ცუდი ძაგდება!.

მთელი ცხოვრება ქრისტესი მხოლოდ ჯვარი, „ბრძოლა იყო“... „დაეცი — დაეჭი დაგეკარგა რამე — ეძიე; ვერ აღასრულე რომელიმე საქმე — ხელახლა დაიწყე მომეტებული მხნეობით! უძრავად ნუ დარჩები! როგორც კაცს გაჩერება სიცივეს მოუმატებს, აგრეთვე ლაჩრობა წაახდენს მას! გარეგანი უბედურების ნაფთსაყუდელი დაწყობილ და ქრისტიანულად დაშენებულ სულში უნდა გქონდეს? იწყე შრომა და ლოცვა! ლოცვა ჰშობს სასოებას, ხოლო სასოება დაბადებს მხნეობას“.

აი სულიერი და პოხიერი საზრდო ეხლანდელი ჩვენი მოდუნებულ საზოგადოებისათვის, მუცელ გაბერილ წოდებისათვის, ძილით და ღვინით გაჟღენთილ-გაბიყვინებულთათვის. რა მოუხდებოდათ მათ, ეს რეცეპტი გაბრიელისა, რომელსაც მუცელი ხერხემალზე ჰქონდა მიმკვდარი ზომიერებით და შრომით! ჩვენ — კი უბედურებს ასეთი რეცეპტები, ასეთი მარგალიტები თავგებისთვის მიგვისაკუთრებია სარდაფებში და სირცხვილისა და ტირილის ნაცვლად საზიზღრად ვიღრიჯებით, ვითომ კარგად გვაქვს საქმე?!.. ვი ჩვენდა!.. ვი და ვაი!..

ბრძოლა ჩვენში რომაა იმდენი უნდაო, მეტყვიან ჩვენი გმირები ღმ რაღას ილანძღებო?! მართალია, მაგრამ. იმავე გაბრიელს მოეუხმინოთ იმაზე!

„სხვა ქვეყანაშია, — ამბობს გაბრიელი, — მხოლოდ მას სცდილობენ, რომ სამართალმა უსამართლობას აჯობოს, ხოლო აქ მას ცდილობენ, რომ კაცმა კაცს აჯობო! იქ აზრი

აზრთან ქილაობს და საქმე საქმესთან, აქ კაცი—კაცთან, გვარი—გვართან. იქ ცილობა მოხდება ქეშმარიტებისა და უმჯობესი წესის ძიებისაგან, აქ თავქედობისაგან და თავმოყვარეობისაგან. იქ ცილობა და უკმაყოფილება ყოველთვის დაბოლოვდება რომლითავე კეთილითა წყობილებითა, აქ კი დაბოლოვდება მხოლოდ სიძულვილითა და მტრობითა, იქ მხოლოდ იმას ცდილობენ, რომ ცილობითა და ქილაობითა გამოიძიონ უმჯობესი აზრი და წესი, აქ კი მცირე რაიმე უკმაყოფილება საუკუნოდ გააზორებს კაცს კაცისაგან*.

ამ ნაირად ჩვენ რომ ბრძოლას ვეძახით, ის სხვების, კულტურისათ თვალში ჩხუბია და ცხვირპირის მტრევა!.. ჩვენ კი გვგონია, ქვეყანას ვაკვირებთ ყოჩაღობით! ვაი ჩვენ და! ძილი ან ჩხუბი! ჩხუბი ან ძილი!... ამას ვერ გავცილებივართ!... ვაი ჩვენ და?...

მლ. მ. კელენჯერიძე.

(შემდგვი იქნება).

იმერეთის სამღვდლოების უკანასკნელ კრების გამო.

იმერეთის ეპარქიის სამღვდლოების დეპუტატთა კრება დასრულდა 14 თებერვალს. ბევრი საგულისხმეო საკითხები აღიძრა ამ კრებაზე, რომლებიც მოწმობენ სამღვდლოების გამოფხიზლებას და საზოგადო საქმისადმი გულშემატკივრობას. სამწუხარო მოვლენად უნდა ჩათვალოს ის გარემოება, რომ ქალაქის სამღვდლოება რაღაც ნაკლებად ესწრება ამ ბოლო დროს საეპარქიო კრებებს, რაც მათ მიძინებას და ყურ-მოთელილობას უნდა მოწმობდეს. ასე წარმოიდგინეთ კრებაზე ისინიც კი არ ყოფილან, ვინც მოვალენი იყვნენ ყოფილიყვნენ მაგ წევრნი სხვა და სხვა სასულიერო დაწესებულებისანი. კრება სავსებით სოფლის სამღვდლოებას ეკუთვნოდა. მით უკეთესი ქალაქის სამღვდლოების რიცხვი არ შეადგენს მაინც და მაინც საგრძნობელ

ნაწილს. საქმე იმაშია, რომ უმრავლესობა ფხიზელი იყოს, თორემ უმცირესობა რას გააკეთებს. ან კი როდის ყოფილა ქალაქის სამღვდლოება რისამე გამკეთებელი, გარდა თავის პირადი ცხოვრების მოწესრიგებისა, თუ გაკეთებათ არ ჩაუგდებთ იმ ორიოდ დემოკრატიულ სპიჩებს, რომლებიც ზოგიერთმა მათგანმა თავზე გადააყარა სამღვდლოებას და საზოგადოებას ცნობილ 1905.

კრებამ უწინარეს ყოვლისა მისალოც ტელეგრამით მიძართა მისს ძალაყოვლადუსამღვდლოესობას საქართველოს ახალ ექსარხოსს ინოკენტის. თუმცა ეს და ამის საპასუხო ტელეგრამები უკვე მოთავსებულია გაზეთებში, მაგრამ საქიროთ ვთვლით აღენიშნოთ ჩვენ გამოცემაშიაც. აი ეს ტელეგრამები.*) კრებისა: „იმერეთის სამღვდლოების დეპუტატთა 51-ტე კრება სავალდებულოთა სთელის მოგილოცოსთ, მეიფეო, მშვიდობით ჩამოსვლა, ძრავალტანჯულ ივერიის სამწყსოში. თქვენი აღთქმანი ქეშმარიტ ქრისტიანულ გრძნობით გამსქვალულნი, გახვავახარებენ იმ იმედით, რომ თქვენი უუწმიდესობა ხელს შეუწყობს ივერიის უძველეს ეკლესიის კანონიერ მისწრაფებას, იმ ეკლესიის, რომელმაც უკანასკნელ დღემდე შეინარჩუნა მართლმადიდებლობა. კურთხეულიმც იყოს თქვენი მშვიდობიანი, მოციქულებრივი ძსვლელობა ძველთაგანვე მართლმადიდებელ ივერიაში და უხუხუსმა შოჯახატოთ ძალა და სამსხუ ივერიის შართლ მოწმუნე შოციაქულებრავ ეკლესიის განახლებისა და შის კახობიერ უფლებათა აღდგენისათვის.

ბასუბი შის ძალაყოვლადუსამღვდლოებისა ყოვლად სამღვდლო გიორგის სახელობაზე:

„თქვენო უსამღვდლოესობავ, გთხოვთ ჩემი მადლობა გადასცეთ თქვენის ეპარქიის დეპუტატთა კრებას ჩემის საეგზარხოსოში ჩამოსვლის გამო მოლოცვისათვის. მშვიდობიანი შრომა რუსეთისაგან განუყოფელ და შის ხელქვეით შუფო ივერიის ეკლესიის საკეთილ-

*) ტელეგრამების ტექსტს გახ. „ბალხიდან“ ვიწვართ, რადგან კრებისაგან ვერ ვიშოვნეთ დენდები.

დღეოდ, სამართლიანი მოპყრობა ამა ეკლესიის ყველა შვილთა მიმართ, ეროვნების განურჩევლად — ჩემი მოვალეობა და წმიდა ვალია. მაგრამ შე სრულებით უარყოფ ხელი შევუწყო ივერის, ეკლესიის რაღაც კანონიერ მისწრაფებათა და უფლებათა აღდგენას. ვურჩევ მწვემსთ ხშირად და მხურვალეთ განაღვივონ თავის გულში მოძღვრული სული.

საქართველოს ეგზარხოსი ინვეკტი“.

ეურნალურ დადგენილებათაგან შესანიშნავია სამღვდლო კანდიდატთა მოსმზადებელ საღვთისმეტყველო კურსების გახსნა და იმერეთის სარწმუნოებრივ-განმანათლებელ ძმობის საქმეების გაფართოების და შემწეობის შესახებ. ეურნალებიც იმ სახით, როგორც ივინი წარუდგა ყოვლადსამღვდლოს დასამტკიცებლად:

„იმ აურაცხელ საკითხთაგან, რომელიც უნდა გარჩეულიყო ამ კრებაზე, განსაკუთრებულ ყურადღებას იპყრობს თავის მნიშვნელობით საკითხი სამღვდლო პირების მომზადებისა. კაი ხანია სემინარია აღარ იძლევა სასურველ სამღვდლო კანდიდატებს, ხოლო სასულიერო სასწავლებელი ვერ ამზადებს რამოდენიმეთ მაინც გვარიან მეღვთისმეტყველებს, რომლებმაც იცოდენ ხუცურის ჩქარა და გარკვევით კითხვა. ამისთვის აი აგერ 5—6 წელიწადი განმავლობს, რაც თავისუფალი სამღვდლო აღდგენები ეძლევათ უვიც პირებს. საქმის ასეთი მიმდინარეობა ეკლესიას სრულ დამხობას უქადის, რამაც უნდა მიიპყრას საეკლესიო მართველობის ყურადღება, რომ თავიდან აცდენილ იქმნენ დამაღონებელი შედეგები. ამ მდგომარეობიდან გამოსასვლელ ერთად ერთ საშვალებად კრებას მიაჩნია საღვთისმეტყველო კურსების დაარსება უკვე ასაკოვან კანდიდატთათვის, რომლებსაც შეგნებულად და თავისუფლად ამოურჩევიათ ეკლიანი გზა თანამედროვე ეკლესიის მწყემსისა. ეს კურსები უნდა ინახებოდეს ქართლ-კახეთის, იმერეთის და გურია-სამეგრელოს ეპარქიების საეკლესიო ხაზინების საშვალებით, და მართებლობის სუბსიდიით, საეკლესიო ხაზინე-

ბი განთავისუფლებულ უნდა იქმნენ იმ ხარჯებისაგან, რომელსაც ივინი დღეს ეწევიან სასულიერო სასწავლებლებზე, რომლებსაც, შიდა რუსეთის გუბერნიაში სხელოწიფო ხაზინები ინახავენ. რადგან ეს საკითხი ეხება მთელ საქართველოს საექსარხოსოს, და მაშასადამე იგი უნდა განხილულ იქმნას საექსარხოსოს სხვა ეპარქიების საზოგადო კრებაზედაც, ამიტომ კრებამ დაადგინა, ეთხოვოს ყოვლად სამღვდლო იმერეთის ეპისკოპოსს გიორგის, იშუამდგომლოს სადაც ჯერ ირს შესახებ ამ საკითხის დაყენებისა და გადაწყვეტისა.

უკილურსი.

კვირიდან კვირობამდე.

თანახმად ექსარხოსის ინოკენტის წინადადებისა, სასინოდო კანტორამ იქონია მსჯელობა და დაადგინა განახლებულ იქმნას დახურული „Дух. Вѣстн.“ ოფიციალური ნაწილის გამოცემა კანტორასთან. რედაქტორად იქმნება კანტორის პროკურორი პოპოვი. ზოგიერთი ოფიციალური განკარგულებანი ქართულადაც გადითარგმნება. გამოცემა იქნება ორ კვირეული და სავალდებულო მთელი საექსარხოსოს ეკლესია მონასტრებისა და სასულიერო უწყების დაწესებულებათათვის. წელიწადში ეურნილი ეღირება სამი მანეთი. საექსარხოსოს ეპარქიებს შეუძლიანთ ამ ოფიციალურ ეურნალის დამოუკიდებლათ იქონიონ თავისი ორგანოები.

ქართული საეკლესიო წიგნების გამსწორებელი კომისიის წევრებად კანტორამ დაამტკიცა დეკ. კ. ცინცაძე, თ. ეორდანი და იუსტინე აბულაძე, ხოლო თავმჯდომარედ არქ. პიროსი.

გურია-სამეგრელოს საეპარქიო კრება დაიწყო 22 თებერვლიდან. კრება მოხდება ქ. ფოთში.

ყოფილი დეკანოზი ნ. ყუბანიევილის მაგიერ სობოროში კანტორამ მღ. ი. კერესელიძე დანიშნა აღგილობრივ ეპისკოპოსის დაუკითხავად. ზედმეტი, საეკლესიო კანონებით აღკვეთილი უფლებების შეზღუდვაა.

ღვთის მსჯავრი ურწმუნოთა ზედა.

(Кормчий № 5)

სამურძმეანოში, რომელიც შეადგენს სოხუმის ოლქის ნაწილს და დასახლებულია აფხაზეთით და შეკრულებით, ჯვართ ამაღლების წინა დამეს მოხდა შემდეგი საგულისხმო ამბავი, რომელიც გადაიქცა ადგილობრივ მკვიდრთათვის საერთო საღაპარო საგნად.

13 სექტემბერს, სოფელ მუხურში, მიცვალებულ გაიოზ ჭოლარას სახლში, შეიკრიბნენ ჭოლარას მეზობლები და ნაცნობები. სხვათა შორის იყვნენ: თავადი მ. ანნაბაძე, ზ. ბენია და მამისი გველეისანი, რომლებიც შეუდგნენ ჩვეულებრივად მიცვალებულის ნათესავთ და ნაცნობთა მოსამართლეებელ ბარათების წერას. ეს სამი პირი შემოსხდომოდნენ შემაბანდიან ბაღუანში მაგიდას. შემაბანდში და ოთახში, სადაც მიცვალებული ესვენა, იყო დახლოებით ოცდა ათ კაციმდე.

შეიქმნა დამის თერთმეტი საათი. წინანდელი ბატონი დრნბელი შეტათ გაიზარდა და მთლად ჩამოაბნელა არემარე; დაიწყო ხშირი ელვა, შერევიანი გრგვინვა და ასტუდა ჭექა-ქუხილი.

ანნაბაძეს და ბენიას შუა მჯდომმა გველეისანმა ოთახში შესვლა ურჩია ამხანაგებს. ესენი არ დასთანხმდნენ გველეისანს და დაუწყეს მასხარობა, დაცინვა იმათ, ვინც პირჯვარს იწერდა ქუხილის ბატონებსზედ.

„რომელ ღმერთს იტყვრ ხელებითა?“

ასე ეკითხებოდნენ ღვთის მკობებელნი იმათ, ვინც პირჯვარს იწერდა...

ღაპარაკი გათავდა იმაზე, თუ საიდან განდგა ჭექა-ქუხილი.

„გამეჩისაგან ჩნდებო“ — ამბობდა ერთი.

ჭკერში მტვრის შეჯახებისაგან — ამტკიცებდა მეორე.

ერთ აქ მეოთხეს შენიშვნაზედ, რომ ჭექა-ქუხილი ღვთის განგებით არის, ურწმუნოების მხრით გაისმა დაცინვა და მასხარად ატდებო.

„თავადი ანნაბაძე და ბენია ცუდად ღაპარაკობდნენ ღმერთზედ“ — ასე განაცხადა შემდეგში ბევრმა იქ მეოთხეაგანმა. მაგრამ აღსუდა სიტყვა ღვთისა: „ღმერთი არა შეურაცხ იქნების...“ იტყვა ერთი სახარდათ და თავლის დახმამხამებაში, სახლი გაეხვია ცეცხლის აღში...

ცეცხლ მოკიდებული სახლიდან ძლივს და მოასწრეს გამოქცევა, გამოტანა გულშეწუხებულებისა და მიცვალებულისა. მიუხედავად იმისა, რომ კოკისპირული წვიმა ასხამდა, სახლი ერთ წუთში ჩაიწვა.

რკოვრც აღმოჩნდა, მესხ დაეხრცა თავადი ანნაბაძე და ზ. ბენია, სამსკი: ივანე ჩკაღუსი, მამისი მამატოვის და მოსე ნაჭეების კანონა დაეკარგათ, მაგრამ ისევ მალე მოსულიერდნენ; მოსე გველეისანი კი, რომელიც უგრძობლად ეტლო იატაკზედ, მობრუნდა მხოლოდ მეორე დღეს დღით; თანახმად გველეისანის სურვილისა მოწვეულ იქმნა მღვდელი. რომელმაც აღსარება ათქმევინა და წმ. საიდუმლო მიადებინა ავითმოფოს. როდესაც გველეისანმა თავი უკეთ იგრძნო, წამოდგა ფეხზე და გაეშურა მახლობელ სოფელ ილორს.

ხსენებულ სოფლის ეკლესიაში ასვენია სამურზაყანოს მკვიდრთა სათაფრანო და ძველი დროიდან გამოჩენილი საკვირველთმოქმედი ხატი წმ. გიორგისა, და აი ამ ხატის წინ, პირქვე დახობილმა, დიდხანს ილოცა გველეისანმა ცრემლთა ფრქვევით.

გველეისანს მესხის დაცემისაგან დაშავება მარცხენა ხელის მარჯვ, რომელიც დაქვს კისერზედ ჩამოკიდებული, დასწვია წვერი და გაკანწლია თავი. — „მე ესეა სულ სხვა კაცი ვარ“ — ეუბნება უველას გველეისანი, ე. ი. მე ისეთი მცირედ მოწვეულად აღარ ვარ, როგორც აქამდის ვიყავი.

ამას უნდა დავძინოთ, რომ მესმა მარტო განსვენებული ჭოლარას სახლი დაწვა, და იქვე

სამი არშინის მასხალზე მყოფი ჩალით გადახუ-

რული საჩეხი კი უკნებლად გადაჩნა.

ამ შემთხვევაში დიდი შთაბეჭდილება მოახდინა მთელ სამურაქანოს მცხოვრებლებზე.

აღნიშნული გარემოება შემოწმებულია კერძოდ და საბუთები მისი სინამდვილისა, დაცულია სოხუმის ოლქის უფროსთან.

ამ სასწაულებრივ ამბავს გვითხვობთ რუსულ ჟურნალში.

რასაკვირველია, ჩვენს ურწმუნოებს არ მაქვს ნებათ და არც სასწაულათ მიიღებენ, მაგრამ არც მათთვის გვითარგმნია იგი; ჩვენ სახეში გვეყვს მორწმუნე ადამიანები და არა ათეისტები, მათზე დიდი ხანია მაცხოვრებმა ბრძანა: „ნუ დაუგებთ დოქტორთა მარგალიტთა; რათა არა დაითრგუნოს“.

დეე მათი ქვეყნა ღმერთი იქონ მათი სათაუგანო და რადცა შეგდარი მატყრია. ჩვენ და უველა მორწმუნენი მფაღენი ვართ ვეცადათ მორწმუნე დაბალი ხაღხისთვის, რათა მათმა უსაკველმა გულმა არ მიიკაროს ის ქვეცი, რომლითაც ასე დასწეულეულება, ვითომ-ღა ჩვენი განათლებულია, და მასთან ურწმუნო, ინტელიგენცია.

ვანო,

მოქმედილი ამბავი.

ახლო-მახლო

ცხოვრების დასკვნებს ბუნების მაგალითები აღვიღად გვიხსნის: თებერვალში, რომ კაი ამინდები დაიჭიროს, ხეხილებს ყვავილები გამოსტყუოს, ვაზი შეჭყოთლოს, ვარდს კუკური წაყრევიწონს და შემდეგ სუსხიანი ყინვები დაჰკრას, ყველასთვის ცხადია, რომ, როგორც ერთს, ისე მეორეს და მესამეს შეხედულობას უცვლის, გამოტყუებულ ყვავილ—ფოთოლ—კუკურებს და აზრობს და, შესაძლებელია, თვით მცენარეებიც გახზოს. ამიტომ არავის უხარია ნაადრევად ხეხილების აყვავილება. სამაგიეროდ ყველას გაუხარდება თუ შვილი ადრე—ახლო-გაზღობიდან „გაუფილოსოფოსდა“. თუ 16-

17 წლის ახალგაზღამ ტუტუცობა დაიწყო, გაგონილ-ამონაკითხი ჩაბზულბულა, მისი მშობლების სიხარული საზღვარს შორდება.

—სწორებით ჩემი ილიკო დიდი ნიჭიერია; მისმა ღღევანდელმა რჩემა ხალხი გააკვირვა და ყველა იმას უნობდა, რომ დიდი ნასთავლი კაცი ყოფილაო... რაც გამაჩნია ყველაფერს იმას გადავაყოლებ და უნდა ვასთავლო და ვასთავლოვო, — ამბობს მამა.

—უი, ვენაცვალე მის ჰკვიანი თვალებს! რას მიქვია არ ვასთავლო! გაგივებული ვარ, გაგივებული მისი სთავლით და გონიერებით! თუ ღმერთმა მაჩუქა, ვიცი რაც შვილი მეზღება! ეს კია: თუთუნს ეწვევა, კარტის თამაში უყვარს, სამიკიტნოვში თვრება, გაგივებული არშიყია, ამაყი და ფიცხიკ არის; გუშინაწინ ი ჩვენი ცხვირ მოუხოცელი სიკოიას შვილს წაჩხ ჰბებოდა და კიდევაც გაელახა მაგ გლახას, მაგრამ ეს ახალგაზღობით მოსდის... ნასთავლი იქნეს და ყველაფერი მისი არ იქნება? — ღმერთი არ არისო, სული მოგონილიაო, ნათესაობა სისულელეაო, — ყველას ამას უქადაგებს, მაგრამ ნასთავლები სუყველა ამას უნობენ და ჩემი ილიკო ვიზე ნაკლები ნასთავლია?... მას ენაცვალოს დღდა მისი; ჯერ დაწლოვანებული არ არის, თვარა სუდიობა ერგებაო, ადასტურებს დედა.

საგრძობელი და ერთობ დამაფიქრებელი სურათია!

ქეთა-ბონებას და ზნეობა-ხასიათს არავინ კითხულობს!

თუ ვინმე „ახლ-მოღის რეჩი“ წაიპურტყულა, ჰგონიათ, ვითომც სოკრატის თავი აღვია კისერზე! თუ ვინმემ წერა-კითხვა იცის, ყველა ნასწავლის სახელს იმსახურებს... იმაზე არავინ ჰფიქრობს, „შინ როგორ ბრძანდებიან“; — არავინ ზრუნავს იმაზე, რომ კაი სასმელს კაი ჰურჭელიც უნდა; „მასპინძელი“ როგორი უხვდება ჩამობრძანებულ „სტუმარს“ და სხ.

რეჩი! — ღღევანდელი რეჩის თქმაზე ადავილი არა იქნება რა. აიღეთ, რომელიც გინდათ გაზეთი, წიგნი, ან წიგნაკი, გაიზეპირეთ სიტყვები: დემოკრატია, დემოკრატიული რესპუბლიკა, სოციალიზმი, სოციალიზაცია, ბურჟუა,

პროლეტარი, მუშათა პარტია, მარქსი, ბებელი, რევოლიუცია, ევოლიუცია, მიუმატეთ თითო ოროლა ზმნებიც და გამოცხვარია რეჩი. ასეთი რეჩები ყოველ ფეხის გადადგმაზე გვეჩხირება თვალეში და აბა რომელი უნიკო ახალგაზდა არ დაიხვევს მათ თითზე? ესეც დიოგენობა ყოფილა! ბოდიშს ვითხოვ რეჩისათვის ლენურც ერთ მამას წუ უხარია ტუტუცი და კრუპენტელა შვილის ყოლა, მისგან ხეირი არა გამოვა რა. უმჯობესია მამა დარბაისლურად შეეკითხოს შვილს: „ვის იცნობ შენ, რომ გითხრა, ვინცა ხარ შენტქოო?“ რომელი წიგნები გიკითხავს შენ, რომ გითხრა, რაც ნასწავლი ბრძანდები შენტქოო.

უმჯობესია, მამამ ის დარიგება მისცეს შვილს, რაც დარიგება გაატანა ბრძენმა მამამ თავის, განათლების მისაღებად გამგზავრებულ შვილს: „ენით ნუ იტყვი რასაც აზრობ, ნურც შეასრულებ შეუფერებელ აზრსა რამეს... ყური მიიპყარ სხვების აზრსა, შენი დაფარე.“

ვიციტ მცენარის თვისება და ადამიანის კი არა. თუ ვაზმა აღრე იფეთქა, ნაღვლიანად ვიტყვით: „ეხ! დაიღუპა მოსავალიო“ და ახალგაზდის კკუის დამწიფებას თუ „სწავლამ“ (უფრო, ტუტუცობამ) წინ უსწრო, თავი ბედნიერად მიგვაჩნია (!). ვინ იტყვის, აბა რომელ „აღრე განათლებულ“ ახალგაზდას მოუტამია თავისი დღენი? მართალია, დღეგრძელობას დღევანდელი ახალგაზდების თვალში ფასი არა აქვს, მაგრამ ამ შემთხვევაში ისიც ვიკითხოთ: აბა რომელ ახალგაზდას მოუტანია რამე ნაყოფი თავის აღრე მოსპობით?...


ეს წერილი გამოიწვია ერთმა შემთხვევამ. ამას წინეთ ერთ საბატოო მოხუც მამას ახალგაზდა მოსწავლე შვილი ჩამოუსვენეს სოფლად. მამა მოხარული იყო შვილის ნიკით და სწავლით. ახალგაზდა ყმაწვილის არსებაში დაბადებულყოფი აუხსნელი კითხვები, ჩივარდნილიყო სასოწარკვეთილებაში და თავზე ხელი აედო... განსვენებულს ჩამოყვნი აზრგები „დღეგატების“ სახელით და თი-

თოეულს მათგანს ორ-ორ-სამ-სამი სქელ-სქელი რვეულებიც ჩამოეტანა „რეჩებით“ გატენილი. წამოაყენეს რეჩები გოლიათის თავით. ქინკის ტანით და კუს ფეხებით. ბ.ბ. რეჩისტებს ერთადერთი სტოლი აკლათ, ზედ შესადგომათ და ღრაფინით წყალი პირის გასასველებლად. თელეს წასრული, გმეს აწმყო და აქარწყლეს მომავალი... თუ არ შევცდი, უფრო მორეჩენი მოეჩვენა. საბრალოდ, ვიდრე თვით განსვენებული... .

როგორც სასულიერო ბექდვითი ორგანო, ისე პირად მეც ღმერთმა დაგვიფაროს წყევლისაგან, მაგრამ უნდა ითქვას, რომ მეტად ჩინებულად აქვს, თავის ადგილზე ბ. სილოვანს ნმთქვამი:

„ღე, ცეცხლმა დასწვას ურგები ტყე-ველი, ბალახთ ძირები!
კვლადცა აღმოცენდება
უფრო ტურფა და ძვირები“.

კირილე წუთისოფელი..



რედაქტორი, მღვდელი **სიმონ მგვლიჩიძე**.
გამომცემელი **იოსებ ლეჟავა**.

ვაეზაღეზ

საეოვლო ჰ სალიაკნო

საგნეზუი,

აგრეთეე სამასწაკლებლია
ეგზამენის ასაღებად.

აღრესი: ქუთაისი, კაზაკოვის ქუჩა, № 17

6-й годъ издат. дѣятелн. 6-й

„НОВАЯ НИВА“

Единственн. общедост. журналъ.

ОТКРЫТА ПОДПИСКА НА **1910** Г.
ПОДПИСЧИКИ ПОЛУЧАТЬ:

52 №№
журнала**52** книги**52** приложения

а именно:

12 книгъ: „НОВОСТИ ЛИТЕРАТУРЫ“.

12 книгъ полного собранія сочиненій
ИВАНА СЕРГѢЕВИЧА
Тургенева. **12**

12 книгъ: „ИЗБРАННЫЯ ПРОИЗВЕДЕНІЯ“
Некрасова, Надсона, Пушкина, Лермонтова, гр. Л. Толстого, гр. Ал. Толстого.

12 книгъ: „ВСЕМИРНАЯ БИБЛОТЕКА“.

4 книги. САМОУЧИТЕЛИ: Нѣмецкаго и французск. языка, Самоучитель борьбы, и фехтованія, Самоучитель танцевъ и музыки.

52 фотогравюры Роскошный альбомъ въ золотомъ переплетѣ, послѣдней парижской выставки „САЛОНЪ“ исполненный по специальному заказу Редакціи въ Лейпцигѣ.

Календарь на 1910 годъ исполненный въ краскахъ.

Подписная цѣна на журналъ **5** Р. съ доставкой и пересылкой во всѣ города **6** Р. за границу **9** Р.
со всѣми приложениями

ДОПУСКАЕТСЯ РАЗСРОЧКА.

Подписка принимается въ редакціи „НОВАЯ НИВА“ СПБ., Невскій, 76.
Издатель-редакторъ Н. А. Нуриловъ.

(3—1)

Типографія Кутаисскаго религіозно-просвѣтительнаго „братства“ Тифлисская, домъ Киришева